

Tuhaqtitaujukhaq

Tuhagtitauhainnagtuqhaq

**Nunavut Kavamanga aittuqniaqtuq \$250,000 uumunga
United Way NWT ikajuqhugu ikualaaqtuni
ikajuutikhanik**

Iqaluit, Nunavut (Aakassi 23, 2023) – Nunavut Kavamanga havaktun aitturiami \$250,000 uvunga United Way Nunatsiami (NWT) Amigarnarnikkut Kiudjutikkut Maniligtuutikhanik ikajutikhat inungnun hulaqutihimajun ikualaarnirin.

Amigaaittun Nunatsiamiutat qimaaqujahimajun talvannga qajangnarnirmin qanittunin ikualaarutinin, tadjalu qajangnarniq qaangiutihangittuq. Ikajuriami taapkunanik hulaqutauhimajun hulaqutauhimmaaqtullu qimaahimajullu, hapkuat maniliqtuutikhat tuniughaktauniaqtun tahamanirmiutanun ukunungalu aallakkiingnun timiqutinun tuniughaktut ikajurutikhanik aturutikhaniklu qimaahimajunun.

Una Ukiuqtaqtumi Amigarnikkut Munaridjutikkut Timiquti havaqatigijait hulaqutihimajun ukuallu qajangnaqhittaaqtun nunallaat pihimmaaqtullu unniudjutinik tamainnin avikturhimanirnin. Nunatsiap Kavamanga (GNWT) havaqatigihimmaaqtait kavamatuqatkut, nunallaani ukuallu Nunaqaaqqaqtuni kavamait ikajuutikkut ikajuriamilu munarinikkut uminnga amigarnirnikkut kiudjutimik.

Una United Way timiqutiujuq pivakhimajuq aittuutiniq naliinnin pivikhanin tuniuhaliqpakhutillu maniliqtuutikhat aallanun timiqutinun ilaujun kiudjutikku hapkunani piliqhimajuni. Una aittuuti tunijuq ilaujunik ikajuutiknik nunallaanun ihariahuktunun, avataani tadia aturutikhani atugtauhimajuni tujugtaujuq ajughautiuliqtunun ikajuutikhat.

Uqautaujut

"Akhuurnaqtun amigharnarhijuni havagutit ihariagijauhimmaaqtun ikajuriami qimaktuidjutainni amigaittuni inungni Nunatsiami unalu Nunavut Kavamanga quviahuktuq tunijaami \$250,000 uvunga United Way NWTmun. Hapkuat maniligtuutikhat pidjutiuniagtun havagutainnun timiqutin tunngahuktittijun ikajuqtullu

amigaittunun inungnun qimaaliqtun NWTmi ikualaaqtuni, ilaujullu ilagijait piqpagijaillu Nunavunmiutanin.”

- P.J. Akeeagok, Nunavutim Hivuliqtia

"Taamna United Way NWT'p ikajuutaa nunallaanun tamaani ukiuqtaqtumi ihariagijauqpiiaqtuq uvani ikualaarnirmi ukunanilu amigaittuni aallani pidjutini. Nunavut Kavamanganin aittuuta pipkarniaqtaa United Way NWT tuniqhaiffaaqhimmaarninganik maniliqtuutikhanik uvani ajurnaqtumi, qujagijumajaralu Hivuliqti Akeeagok kavamangalu tuniqhaidjutainnik.”

- Caroline Cochrane, Hivuliqti NWTmun

"Ukiuqtaqtumiu ikajuraanginnaqtun aallanun Ukiuqtaqtumiinnun, unalu quvianaqpiiaqtuq ihariagilirnirmilu naunaitkutaquq taimaaton. Tuniuqhakhimajavun avatquhimajumik \$750,000 timiqutinun ikajuuqtun qimaajunun uvani ikualaarnirmi. Pidjutaquqlu angijunik aittuutinin imaaton uumannga Nunavut Kavamanganin. Una angijuq aittuuti havagutauqpiarniaqtuq kiudjutikkut amigaitpiaqtunun tukhirutinin tujuqtaujuq uvaptiknun timiqutinun qiniqhiajun ikajuutikhanik ikajuriami qimaajunik.”

- David Connelly, Ikhivautalik United Way NWT Amigarnarnikkut Kiudjutikkut Katimajiit

Itquumajut

- Una Nunavut Kavamatkut tuklirijaa aittuutaanik uvunga United Way NWTmun 2023mi, hivulliqpaaq una \$25,000 ikajuutikkut ikualaaqtunin qimaajunun Hay River-min ukunanilu Kátł'odeeche First Nation-min.
- Kitkullikaak aitturumajun uvunga NWT Ikualaarnikkut Kiudjutimun pijaaqtun haamni: <https://www.canadahelps.org/en/dn/82499?v2=true>.

Pidjutiqaqtun Atadjutit

- [NWT Ikualaaqtuni Ilitturipkaidjutit](#)
- [GNWT Inungnut Qajangnaitkutikhanun Ilitturipkaidjutit](#)
- [United Way NWT](#)

Tuhaqtipkaidjutikkut Tukhirutinun, uqaqatigilugu:

Michele LeTourneau

Tuhaqtidjutikhanut Titiraqti, Hivuliqtiup Havagviani

Nunavut Kavamanga

mletourneau6@gov.nu.ca

Ministait Tuhaqtipkaidjutait
Nunatsiami Kavamanga
PressSecretary@gov.nt.ca

Tuhaqtipkaijiit
United Way NWT
comms@nwt.unitedway.ca

News releases are available in Inuktitut, English, Inuinnaqtun and French on www.gov.nu.ca.
Tuhagtitaujukhat hailihimajun Inuktitut, Qablunaatun, Inuinnaqtun Uviitullu uvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.